

陳州府志卷之二十七

楚鄂崔應階吉升氏纂修

藝文四

贊頌銘

太昊宓犧氏贊

魏陳王曹植

木德風姓八卦創焉龍瑞名官法地象天庖厨祭祀畧網
魚畋瑟以象時神德通元

瑞穀亭贊

明陳王謨

侍御張公花亭之前有穀挺生一莖雙穗家君過
而奇之歸語小子余曰瑞穀哉請以名亭蓋古今
訓注穀者善也祿也又也生續也厥種維美厥實
曰嘉乃茲雙秀產於堦下嘉美協應帝命若曰錫

爾侍御樹德稽善永綏豐祿隆蔭篤生駢承嗣續
一物而庶徵備矣瑞穀哉家君領之乃以扁公亭

而余小子
爲之贊

維亭有禾載佳其名匪苗畝不穫不耕含中孕和天植
地生以一而生以兩而成栢臺並秀蘭堦競榮旣碩旣岐
乃粒乃盈累如貫珠聯若垂纓玉晶璨璨金粟熒熒維家
之慶維德之禎瑞兆駢錫帝賚顯呈奕世頌之式穀揚聲
柱史之亭羲皇之城

三國名臣頌

晉 袁 宏

夫百姓不能自牧故立君以治之明君不能獨治則爲之
佐之然則三五迭隆歷代承基揖讓之與干戈文德之

與武功莫不宗匠陶鈞而羣才緝熙元首經略而股肱肆
力雖遭罹不同迹有優劣至於體分冥固道契不墜風美
所扇訓革千載其揆一也故二八升而唐朝盛伊呂用而
湯武寧三賢進而小白興五臣顯而重耳霸中古陵遲斯
道替矣居上者不以至公理物爲下者必以私路期榮御
員者不以信誠率衆執方者必以權謀自顯於是君臣離
而名教薄世多亂而時不治故遽竄以之卷舒柳下以之
三黜接輿以之行歌魯連以之赴海衰世之中保持名節
君臣相體若合符契則燕昭樂毅古之流矣夫未遇伯樂
則千載無一驥時值龍顏則當年控三傑漢之得賢於斯

爲貴高祖雖不以道勝御物羣下得盡其忠蕭曹雖不以
三代事主百姓不失其業靜亂庇人抑亦其次夫時方顛
沛則顯不如隱萬物思治則默不如語是以古之君子不
患宏道難患遭時難遭時匪難遇君難故有道無時子思
所以咨嗟有時無君賈生所以垂泣夫萬歲一期有生之
通塗千載一遇賢智之嘉會遇之不能無欣喪之何能無
慨古人之言信有情哉余以暇日常覽國志考其君臣比
其行事雖道謝先代亦異世一時也文若懷獨見之照而
有救世之心論時則人方塗炭計能則莫出魏武故委圖
霸朝豫謀世事舉才不以標鑒故人亡而後顯壽畫不以

要功故事至而後定雖亡身明順識亦高矣董卓之亂神器遷逼公達慨然志在致命由斯而譚故以大存名節至如身爲漢隸而跡入魏幕源流趨舍抑亦文若之謂所以存亡殊致始終不同將以文若旣明且哲名教有寄乎夫仁義不可不明則時宗舉其致生理不可不全故遠識攝其契相與宏道豈不遠哉崔生高朗折而不撓所以策名魏武執笏霸朝者蓋以漢主當陽魏后北面者哉若乃一旦進璽君臣易位則崔生所以不與魏氏所以不容夫江湖所以濟舟亦所以覆舟仁義所以全身亦所以亡身然而先賢玉摧於前來哲攘袂於後豈天懷發中而名教束

物者乎孔明盤桓俟時而動遐想管樂遠明風流治國以
禮人無怨聲刑罰不濫沒有餘泣雖古之遺愛何以加茲
及其臨終顧託受遺作相劉后授之無疑心武侯受之
懼色繼體納之無貳情百姓信之無異辭君臣之際良可
詠矣公瑾卓爾逸志不羣總角斷主則素契於伯符晚節
曜奇則三分於赤壁惜其齡促志未可量子布佐策致延
譽之美輟哭止哀有翼戴之功神情所涉豈徒謬謬而已
哉然杜門不用登壇受譏夫一人之身所照未異而用舍
之間俄有不同况沉跡溝壑遇與不遇者乎夫詩頌之作
有自來矣或以吟詠情性或以紀德顯功雖大指同歸所

託或乖若夫出處有道名體不滯風執德音爲世作範不
可廢也復輟序所懷以爲之贊曰火德旣微運經大過洪
飈扇海一浪揚波虬獸雖驚風雲未和潛魚擇川高鳥候
柯赫赫三雄並廻乾軸競收杞梓爭採松竹鳳不及棲龍
不暇伏谷無幽蘭嶺無停菊英英文若靈鑒洞照應變知
微頤一作蹟奇賞要日月在躬隱之彌曜文明暎心鑽之愈
妙滄海橫流玉石俱碎達人兼善庸已存愛謀解時紛功
濟宇內始救生靈終明鳳樂公達潛朗思同著蔡運用無
方動攝羣會爰初發迹遵此顛沛神情元定處之彌泰愔
愔幕裏算無不經疊疊通韻跡不暫停雖懷尺璧顧哂連

城智能極物愚足全生耶中溫雅器識純素貞而不諒通
而能固恂恂德心汪汪軌度志成弱冠道敷歲暮仁者必
勇德亦有言雖遇履屐神氣恬然行不修飾名跡無愆操
不激切素風愈鮮邈哉崔生體正心直天骨疎朗牆岸高
疑忠存軌迹義形風色思樹芳蘭翦除荆棘人惡其上世
不容哲瑯琊先生雅杖名節雖遇塵霧猶震霜雪運極道
消碎此明月景山恢誕韻與道合形器不存方寸海納和
而不同通而不雜遇醉忘辭在醒貽答長文通雅義格終
始思載元首擬伊同恥人未知德懼若在己嘉謀肆庭謫
言盈耳玉生雖麗光不踰把德積雖微道暎天下邈哉太

初宇量高雅器範自然標準無假全身曲直跡湔必僞處
死匪難理有則易萬物波蕩孰任其累六合徒廣容身靡
寄君親自然匪由名教愛敬旣同情禮兼到烈烈王生知
死不撓求仁不遠期在忠孝元伯剛簡大存名體志在高
構增堂及陸端委獸門正言彌啟臨危致命盡其心禮堂
堂孔明基宇宏邈器同生靈獨稟先覺標榜風流遠明管
樂初九龍盤雅志彌確百六道喪干戈迭用苟非命世孰
掃雰雰宗子思寧薄言解控釋褐中林鬱爲時棟士元宏
長雅性內融崇善愛物觀始知終喪亂備矣勝塗未隆先
生標之振起清風穆綢哲后無妄惟時夙夜匪懈義在緝

熙三略旣陳霸業已基公琰殖根不忘中正豈曰模擬實在雅性亦旣羈勒負荷時命推賢恭已久而可敬公衡冲達秉志淵塞媚茲一人臨難不惑疇昔不造假翮鄰國進能徽音退不失德六合紛紜人心將變烏擇高梧臣須顧眄公瑾英達朗心獨見拔草求君定交一面栢栢魏武外託霸跡志掩衡霍恃戰忘敵卓卓若人曜奇赤壁三光參分宇宙暫隔子布擅名遭時方擾撫翼桑梓息肩江表王略威夷吳魏同寶遂贊宏謨匡此霸道桓王之薨大業未純把臂託孤惟賢與親輟哭止哀臨難忘身成此南面寔南老臣才爲世生世亦須才得而能任貴在無猜昂昂子

敬拔跡草萊荷檐吐奇乃構雲臺子瑜都長體性純懿
而不犯正而不毅將命公庭退忘私位豈無鵠鶴固慎名
器伯言謦謦以道佐世出能勤功入亦獻替謀寧社稷解
紛挫銳正以招疑忠而獲戾元歎邈遠神和形檢如彼白
珪質無塵點立行以恒匡主以漸清不增潔濁不加染仲
翔高亮性不和物好是不羣折而不屈屢摧逆鱗直道受
黜歎過孫陽放同賈屈莘莘衆賢千載一遇整轡高衢驤
首天路仰揖元流俯宏時務名節殊塗雅致同趨日月麗
天瞻之不墜仁義在躬用之不匱尚想遐風載揖載味後
生擊節懦夫增氣

瑞麥頌 并序

許佩璜

乾隆九年四月五日壬子郡掾吏傅璠于北鄉見有小麥一莖四穗者越二日甲寅農民谷印復于西鄉見有大麥一莖五穗者南東二鄉兩岐綿野村農持告郡守驗實狀申布政使司巡撫都御史函封上之伏候

奏進者

臣

聞體元則大品物所以流形樹德務滋百嘉因之

鬯楸故十千維耦木道行而其益無方百穀用成土德盛而烝民乃粒欽惟

皇上

撫辰凝績

軌物字人

登寰宇于春臺思艱圖易

凜御奔于秋駕肝食宵衣水耨火耕愍田家之作苦洽風清

明期

帝澤之無偏禱天宗于來年迓顓穹之休氣志壹則動誠至斯
形任養于壬孳萌于子孳出于甲族生于寅結天地之精
孕陰陽之粹懔懔盤錯五岐表五至之符施施蟬聯四穗
來四方之賀惟茲陳郡在古爲太皞遺墟考厥姬封肝土
是有媯舊國宛邱隆起潁水環流左飲孟諸之麋右抱外
方之麓唐爲用文之國宋稱三輔之雄然汲黯臥治以來

民多憤忮且趙朔醜渠而後迹久填淤淮有三洲每溢桃花之水謠聞兩鵠誰規鴻隙之陂憶在壬戌杪秋浹霖雨遂致西南脆壤千頃沮洳府公旣檢勘成災節使卽飛章入

告伏蒙

皇上憂深飢溺念切惻瘳

勅下臺司亟施賑恤所逋租賦並予蠲除復

遣大臣循行各郡

恩覃春照邁軸之疾俱消

惠湛露斯樹草之情自樂以茲涵育用致豐穰伏自去冬雪

飛盈尺已含五穀之精迄乎今歲麥秀連疇遂啟六田之
首謹按天聖之代五穗進于陳州皇祐之朝兩岐見于伊
闕守臣繪圖獻闕館閣奉勅賦詩八百餘年再逢上瑞綴
星田之露色燦乎五緯連珠擢鱗鳳之翠莖煥若九衢四
照園陵新薦適符孟夏之時嘉種降康允洽來牟之詠豈
比賓連潤達修陳瑞應之圖亦竊青羊傳會拾遺之記而
已哉臣幸際

昌期式霑

醴澤仰

無逸作所知稼穡之維艱讀春秋生穀弗書見麥禾之最

重愧乏魯恭之化奚自產于庭中如修王象之儀竊願彰
諸旂上其辭曰

於皇來牟始自天降我

皇受之飭躬拜况德豐澤鬯萬象一春以和致和仁卉廼生惟
此宛邱四高中下迫城如蟠瀦水麟鴻伊昔賈鄧曾疏二
渠今也則閔民其爲魚先時小祿

詔下撫卹

遣使循行躬親舉實芋羹曷飽鵲結曷完補之助之廼衣廼
食復終舊陂爰究爰度沿波討源導流歸壑豐厯灌溉盡
周汙萊赤子扶扶繼負而來其來孔多叙載南畝良苗懷